


Beibl i Blant yn cyflwyno



Noa a'r Dilyw Mawr

Awdur: Edward Hughes
Lluniau gan: Byron Unger; Lazarus

Cyfieithydd: Catrin Roberts
addaswyd gan: M. Maillot; Tammy S.

Stori 3 o 60


www.M1914.org

Bible for Children, PO Box 3, Winnipeg, MB R3C 2G1 Canada

Trwydded: mae gennych hawl i gopïo neu argraffu'r stori hon, ar yr amod nad ydych yn ei gwerthu.


Welsh

Roedd Noa yn addoli
Duw. Roedd pawb arall
yn casáu Duw ac yn
anufudd iddo.



1

Un diwrnod dyma Duw
yn dychryn Noa wrth
ddweud, "Rydw i'n mynd
i ddinistrio'r byd drwg hwn.
Dim ond dy deulu di fydd yn
cael eu hachub."



2

Rhybuddiodd Duw Noa fod
llifogydd mawr yn mynd i
foddi'r ddaear i gyd.



3

"Dw i am i ti adeiladu arch (cwch mawr)
wedi ei gwneud o goed, yn ddigon
mawr i dy deulu a llawer o anifeiliaid,"
meddai wrth Noa. Rhoddodd
gyfarwyddiadau manwl i
Noa. Dechreuodd
Noa ar y
gwaith!



4

Mae'n siwr fod pobl
wedi gwneud hwyl am
ben Noa pan oedd yn
eglwro pam ei fod
yn gwneud
arch.




Daliodd
Noa ati
i adeiladu.

Daliodd ati hefyd
i ddweud wrth bobl
am Dduw. Doedd
neb am wrando.


5

Roedd gan Noa ffydd. Er
fod e erioed wedi gweld
glaw o'r blaen, roedd yn
credu geiriau Duw. Cyn
hir roedd yr arch yn
barod i'w llwytho â
chyflenwadau.




6

Yna daeth yr anifeiliaid - saith pâr o rai mathau,
dau o fathau eraill. Daeth adar mawr a man,
creaduriaid pitw bach a rhai tal
at yr arch.




7

Efallai fod pobl wedi
gwneud sbort ar ben
Noa wrth iddo
lwytho'r
anifeiliaid.



8

Wnaethon nhw ddim stopio
gwneud pethau drwg.
Wnaethon nhw ddim
gofyn am gael
mynd ar yr arch.




9

O'r diwedd,
roedd yr holl
anifeiliaid a'r
adar yn yr arch.

10

"Dewch i
mewn i'r arch,"
meddai Duw wrth
Noa, "ti a'r teulu." Aeth
Noa, ei wraig, ei dri mab a'u
gwragedd i mewn i'r arch.
Yna caeodd Duw y drws!




11

Yna daeth y glaw. Dyma hi'n
arllwys y glaw am bedwar
deg diwrnod a nos.

12

Llifodd y
dŵr i'r trefi a'r
pentrefi. Ar ôl i'r glaw stopio,
roedd hyd yn oed y mynyddoedd o
dan ddŵr. Roedd popeth oedd
angen anadlu aer wedi marw.




13

Wrth i'r dŵr godi, fe
wnaeth yr arch arnofio.
Efallai bod hi'n dywyll y
tu mewn i'r arch, ac yn
arw, ac yn frawychus.
Ond fe wnaeth yr arch
gadw Noa yn ddiogel.




14




Ar ôl pum mis o lifogydd,
anfonodd Duw wynt i sychu'r
ddaear. Fesul tipyn daeth yr
arch i orffwys ar ben mynydd
Ararat.

15




Arhosodd Noa y tu mewn i'r
arch am bedwar deg diwrnod
arall wrth i'r dŵr fynd i lawr.

16




Anfonodd Noa gigfran a
cholomen allan o'r arch.
Daeth y golomen yn ôl
at Noa achos bod hi'n
methu dod o hyd i
ddarn sych o dir i
lanio arno.

17




Wythnos yn
ddiweddarach, rhoddodd
Noa gynnig arall arni.
Daeth y golomen yn ôl
gyda deilen ifanc coeden
olewydd yn ei phig.

18



A'r wythnos wedi
hynny gwyddai Noa
fod y ddaear yn sych
achos ddaeth y
golomen ddim yn ôl.

19




Dywedodd Duw wrth Noa
bod hi'n amser iddo adael yr
arch. Gweithiodd Noa a'i deulu
gyda'i gilydd i
ddadlwytho'r
anifeiliaid.

20



Mae'n siwr fod Noa yn ddiolchgar iawn! Adeiladodd allor ac addoli Duw oedd wedi achub ef a'i deulu rhag y dilyw ofnadwy.


21



Rhoddodd Duw addewid gwych i Noa. Doedd e byth yn mynd i anfon dilyw arall i gosbi drygioni pobl.


Ac fe roddodd e arwydd i atgoffa pobl o'r addewid - enfys.

22



Fe wnaeth Noa a'i deulu gychwyn o'r newydd ar ôl y dilyw.

23



Mewn amser, roedd ei ddisgynyddion yn byw ym mhob rhan o'r byd. Mae holl genhedloedd y byd wedi dod o deulu Noa.

24

Noa a'r Dilyw Mawr
Stori o Air Duw, y Beibl
sydd i'w gweld yn
Genesis 6-10

"Pan ddatguddir dy air, bydd yn goleuo."
Salm 119:130



Mae Duw yn gwybod bod ni wedi gwneud pethau drwg, beth mae e'n galw'n bechod. Y gosb am bechod ydy marwolaeth.

Mae Duw yn ein caru ni gymaint, fe wnaeth e anfon ei Fab, Iesu, i farw ar Groes. Fe wnaeth e gymryd ein cosb ni. **Daeth Iesu yn fyw eto** ac aeth yn ôl i'r Nefoedd! Nawr gall Duw faddau ein pechodau.

Os wyt ti am droi oddi wrth dy bechodau, beth am ddweud hyn wrth Dduw: Annwyl Dduw, rwy'n credu bod Iesu wedi marw drosaf fi a'i fod yn fyw eto. Os gweli'n dda tyrd i mewn i'm mywyd a maddau fy mhechodau, er mwyn i mi gael bywyd newydd nawr, ac yna cael bod gyda Thi am byth. Helpa fi i fyw fel plentyn i ti. Amen. Ioan 3:16

Cofia ddarllen y Beibl a siarad bob dydd gyda Duw!